

# REFERAT IA - Inoqarfinnut Ataatsimiititaq d. 18-10-2024

**Mødedato** Fredag d. 18. oktober 2024 kl. 17:00

**Mødested** Kommunalbestyrelsep ataatsimiittarfiani

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	6
Kapisilinni aamma Kapisillit kuuata eqqaani allagartalersuineq.....	8
Kommuneqarfik Sermersuumi Anartarfiit imaannik aamma imikumik eqqaanermut malittarisassat 1	11
Inoqarfinnut Avatangiisinullu Ataatsimiititap angalaneranit nalunaarusiaq.....	14
Qeqertarsuatsiaani B-1116-imik tuniniaaneq.....	16
Aningaasaqarnermut Inuussutissarsiornermullu Ataatsimiititap aamma Inoqarfinnut Avatangiisinull	18
Lukket.....	21
Tamalaat.....	22
Imaqarniliap akuerineqarnera.....	24

## **Punkt .: Saqqaa**

### **Ilaasortat:**

Juaaka Lyberth (IA), *siulittaasog*

Lone Rosengreen Pedersen (IA)

Harald Bianco (IA)

Dines Mikaelson (S)

Mala Høy-Kúko (S)

### **Beslutning**

Ataatsimeeqataasut:

Lone Rosengreen Pedersen (IA)

Dines Mikaelson (S)

Naya Sophia Pedersen Lyberth (IA)

Harald Bianco (IA), Oqarasuaatsikkut

Ataatsimeeqataasinnaanatik nalunaartut:

Juaaka Lyberth (IA)

Mala Høy Kúku (S)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput nal. 14.06



## **Punkt .: Nalunaarutit**

### **Beslutning**

Nalunaaruteqanngilaq.



# **Punkt 1: Kapisilinni aamma Kapisillit kuuata eqqaani allagartalersuineq**

## **Beslutning**

Ilisimatitsissut tusaatissatut tiguneqarpoq.

## **Bilag**

Kapisilinni kuummut allagartat nutaat

Nunaannarmi angallanneq pillugu plakatit naqitaaqqallu

Nunaannarmi angallanneq pillugu plakatit naqitaaqqallu



## Kapisilinni aamma Kapisillit kuuata eqqaani allagartalersuineq

Ilisimatitsissut

SagsID.: EMN-2024-03552

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Inoqarfinnut Avatangiisinullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Storm Ludvigsenip oqaluuserisassanngortitsisinaanermut siunnersuutaa tunngavigalugu Sanarfinermut Avatangiisinullu Ingerlatsivimmit Kapisilinni kuuk pillugu allagartalersuisarnej misissorneqarpoq, tassunga ilanngullugu kuup qanitaani kisartoqarnissaata inerteqqutaanissaanut inatsisitigut tunngavissaqarnersoq. Ingerlatsivik aamma kuup eqqaani motorilinnik angallassitut inerteqquteqarnissamut periarfissamik misissuivoq. Tamanna tunngavigalugu allagartaq nutaaq inissineqarpoq, allagartaareersoq nutarterneqarpoq aamma paasititsiniaaneq aallartineqarpoq.

Kapisillit kuuata eqqaani allagartaareersoq inerteqquteqarnermi oqaasertaqarpoq, tamannalu inatsimmi imaluunniit kommunimi maleruqaqqusani tunngavissaqanngilaq. Taamaattumik Pinngortitaleriffimmit ilitersuut tunngavigalugu kuup eqqaani nutaamik allagartaliisoqarpoq innimiginnittoqarnissaa pillugu. Allagartaliinermi nutaami aalisarnej aamma motorilinnik angalaner inatsimmi aamma kommunimi ileqqoreqqusani tunngavinnut naapertuuttunik aamma inerteqquteqartitsivoq (takuuk ilanngussaq 1).

Aamma Kapisilinni Kapisillit kuuata tungaanut allagartaliisoqarpoq, angallassitut motorilinnik inerteqquteqarnej pillugu.

Kiisalu nunaannarmi aqcutit aamma ukiuunerni ingerlaarfiit avataanni motorilinnik angalanerup inerteqqutaanera pillugu paasissutissanik naqitanik pilersitsisoqarpoq, kuup eqqaani imeqarfiup killeqarfiani, kiisalu kommunimi qamuteralaqarnej pillugu ileqqoreqqusani tunngavilimmik (takuuk ilanngussaq 2).

### Ingerlatsivimmit aningaasatigut sulisoqarnikkullu naliliinerit

Allagartaliinissamut aamma missingersuutip matuma iluani paasititsiniaanissamut 25.000 koruunit immikkoortinneqarput. Allagartanut aamma paasissutissiinernut aningaasartuutit aningaasanik taakkuninnga qaangiingillat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatillit

- Avatangiisit innarlitsaaliorneqarnissaat pillugu Inatsisartut inatsisaat pillugu Namminersorlutik Oqartussat nalunaarutaat
- Kalaallit Nunaanni aqqusinertigut angallannermut inatsit
- Kapisilinniarneg pillugu Namminersorlutik Oqartussat nalunaarutaat
- Nunaannarmi kiisalu illoqarfiit nunaqarfiillu killeqarfiini assartuutininik motorinik ingerlatilinnik atuineq pillugu ileqqoreqqusaq



## **Ilanngussat**

1. Kapisilinni kuummut allagartat nutaat
2. Nunaannarmi angallanneq pillugu plakatit naqitaaqqallu

## **Punkt 2: Kommuneqarfik Sermersuumi Anartarfiit imaannik aamma imikumik eqqaanermut malittarisassat nutaatut siunnersuutip tamanut tusarniaassutigineqarnissaanik akuersissuteqarneq**

### **Beslutning**

Inassuteqaat akuersissutigineqarpoq.

### **Bilag**

Kommuneqarfik Sermersuumi anartarfiit imaannik imikumillu eqqaanermut malittarisassat nutaatut siunnersuut



## **Kommuneqarfik Sermersuumi *Anartarfiit imaannik aamma imikumik eqqaanermut malittarisassat* nutaatut siunnersuutip tamanut tusarniaassutigineqarnissaanik akuersissuteqarneq**

Aalajangiiffigisassaq

SagsID.: EMN-2024-03519

Sanarfinermut Avatangiisinullu Ingerlatsivik – pisortaq Søren Pedersen / SSKP

### **Inassuteqaat**

Sanarfinermut Avatangiisinullu Ingerlatsivimmit Inoqarfinnut Avatangiisinullu Ataatsimiititamut inassuteqaatigineqarpoq:

1. Kommuneqarfik Sermersuumi anartarfiit imaannik aamma imikumik eqqaanermut malittarisassamut nutaamut siunnersuut sapaatit akunnerini sisamani tamanut tusarniaassutigineqarnissaa akuersissutigineqassasoq

### **Suliassamik saqqummiussineq**

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juuni 2015-imeersumi § 33 naapertorlugu kommunip illoqarfiini nunaqarfiinilu anartarfiit imaartakkat imaannik imaarsisarneq katersuivinniillu imikumik eqqaaneq pillugit Kommunalbestyrelse malittarisassanut aalajangersaasussaavoq.

Malittarisassat Avatangiisinut Naalackersuisoqarfimmut misissortinneqarput, soorlutaaq inatsisinut allaffeqarfimmut taamatut misissortinneqartut.

Kommuneqarfik Sermersuumi anartarfilerinermut malittarisassat 2017-imeersuunnguatsiartut Sanarfinermut Avatangiisinullu Ingerlatsivimmit nutarterneqarput, pissutigalugu malittarisassat pineqartut nalunaarutigineqarnikuunngimmata, kiisalu malittarisassat nutarterlugit taamaalillutik inatsisit teknikkikkut inissineqarnerinut Naalackersuisut malittarisassaannut allaffissornikkullu malittarisassaannut 28. aprili 2023-meersunut naapertuutilersillugit.

Nalinginnaasumik malittarisassat tassaapput susassaqarfimmi malittarisassaareersunik ingerlatitseqqiineq, annikitsumilli iluarsissutitaqarput ilaatigut:

- Kommunimi § 3-mi anartarfiit imaannik imikumillu eqqaanerit suugaluartulluunniit pillugit piunasaqaateqartoqalermat, matumani imikumik katersisarnermut, ikuallaavimmut, anartarfiit nunamut issumullu itersaliorsimasat, isaterinermi atortuutit, kuuffissuarnut attavilersornerit il. il. allakkatigut kommunalbestyrelsimit akuersissutigineqassapput.

Anartarfiit imaannik imikumillu passussineq avatangiisit eqqarsaatigalugit eqqortumik sularineqarnissaat aalajangersakkatigut matumuuna qulakkeerneqassapput. Kommunalbestyrelsip allakkatigut akuersissuteqarneratigut imikoq anartarfiullu imaa qanoq sularineqassasoq eqqarneqassasorlu kommunimit aqunneqarsinnaalerlunilu iluarsineqarsinnaavoq. Nunattaq immaqalu imaani pisuussutsit mingutsinnaveersaarneqarneritigut avatangiisinut inuiaqatigiillu peqqissusaannik illersuinissamut iluaqutaassaaq.

- Inoqutigiit § 6 innersuussutigalugu imikumut katersuunnerit imaluunniit anartarfiit annittakkat imaartarnissaannut isumaqatigiisummut ilaatinneqarpata, inoqutigiit imaluunniit taakku entreprenøriat Sanarfinermut Avatangiisinullu Ingerlatsivimmut paasissutissiisarnissaat erseqqissaatigineqassaaq, paasissutissat soorlu tankip



angissusaa, angalanerit allassimaffiat aamma imaarsisarnermut akiligassap allagartaa pillugit paasissutissat pineqarput.

Aalajangersagaq pineqartoq erseqqissarneqassaaq pissutigalugu Nuummi imikumut katersukkat imaartarnerinik angallassisartut Sanarfinermut Avatangiisinullu Ingerlatsivimmiit misigineqartarnerat naapertorlugu paasissutissanik kommunimut ingerlatitseqqeerusunneq ajormata, paasissutissat atorlugit kommunalbestyrelse imikumik eqqaanermut pilersaarusiorkunilu, imikumik eqqaanissamut periarfissanik naleqquttunik qulakkeerillunilu malittarisassat atuuttut naapertorlugit imikumik eqqaaneq qulakkeerneqartussaavoq.

- Kommunip anartaajaanermi atortorissaarutaanik atuisut § 16, imm. 3 naapertorlugu kommunip nalinginnaasumik ingerlatsinermut aningaasartuutaanut matussusiinissamut atortorissaarutillu aserfallatsaaliornissaannut akitsuutit atorineqartussaapput. Kommunip akigititaani atuuttuniittut akitsuutit kommunimi imaarsaanermut aaqqiissutaanut ilaatinneqarput.

Anartarfiit imaannik katersuuffinnilu imikumik eqqaanissamut kommunip kueraavia ullumikkut Nuummi suliffeqarfinnit arlalinnit atorineqartarpoq, matumani imikumik katersuisartut namminersortut ilanngullugit. Kingunerisaanik kueraavik aserfallakkiartorpoq, kommunilu taannaavoq sinaanut kuuttoqarsimatillugu saliinissamut akisussaasuusartoq. § 16, imm. 3 naapertorlugu anartaajaanermi atortorissaarutip aserfallatsaaliorkneranut aningaasartuutit matussusernissaannut kommune akitsuusiisinaavoq.

### **Ingerlatsivimmiit aningaasatigut sulisoqarnikkullu naliliinerit**

Kommuneqarfik Sermersuumi anartarfiit imaannik imikunullu malittarisassat iluarsiissuteqarfigineritigut, pisortat imikumut atortuusiviata ingerlanneqarnera aserfallatsaaliorkneralugu eqqarsaatigalugit kommunip aningaasartuutaanut kommune akitsuusiisalnissamut periarfissaqalissaaq.

### **Missingersuusiorknermut Naatsorsuusiorknermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppernarsaatillit**

- o Avatangiisit innarlitsaaliorknerneqarnissaanik Inatsisartut inatsisaat nr. 9, 22. novembari 2011-meersoq
- o Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juuni 2015-meersoq
- o Kommuninut ileqqoreqqusat pillugit Namminersorlutik Oqartussanit malittarisassat 28. aprili 2023-meersut

### **Ilanngussat**

1. Kommuneqarfik Sermersuumi anartarfiit imaannik imikumillu eqqaanermut malittarisassat nutaatut siunnersuut

## **Punkt 3: Inoqarfinnut Avatangiisinullu Ataatsimiititap angalaneranit nalunaarusiaq**

### **Beslutning**

Inassuteqaat akuersissutigineqarpoq.

### **Bilag**

Rejserapport

# Inoqarfinnut Avatangiisinullu Ataatsimiititap angalaneranit nalunaarusiaq

Tasiilaq, 2024

Aalajangiiffigisassaq

SagsID: EMN-2024-00966

Suliffeqarfiup iluani Kiffartuussivik – kommunaldirektøri Ole Jakobsen / OJAK

## Inassuteqaat

Suliffeqarfiup iluani Kiffartuussivimmit Inoqarfinnut Avatangiisinullu Ataatsimiititap inassuteqaatigineqarpoq:

1. angalanermit nalunaarusiaq akuersissutigineqassasoq
2. suliaq Aningaasaqarnermut Inuusutissarsiornermullu Ataatsimiititap akuersissutigisassanngorlugu kiisalu Kommunalbestyrelsimut ilisimatitsissutit ingerlateqqinneqassasoq

## Suliassamik saqqummiussineq

Inoqarfinnut Avatangiisinullu Ataatsimiititap ulloq 21. agusti - 24. agusti 2024 Tasiilamut ataatsimiititap angalavoq.

Ataatsimiititap angalanerani siunertaavoq Tunumi nunaqarfiit tikeraarnissaat, umiarsualiviit, iliveqarfiit, tunisassiorfiit, eqqagassalerineq takusarniarlugit kiisalu Inoqarfinnut Avatangiisinullu Ataatsimiititap ilikkagaqarnissaq ilisimasaqarnerulernissarlu siunertaralugit siunissamut pilersaarutit ajornartorsiutillu pillugit nunaqarfinnik aqutsisunik oqaloqateqarneq.

Inoqarfinnut Avatangiisinullu Ataatsimiititap peqataasut tassaapput Juaaka Lyberth (siulittaasoq), Lone Rosengreen Pedersen (ilaasortaq), Harald Bianco (ilaasortaq), Dines Mikaelsen (ilaasortaq), Mala Høy-Kúko (ilaasortaq) tallimannngornermilu pilersaarummi Avaaraq S. Olsen (borgmesteri)

Allaffeqarfimmiitaaq Lars Borris Pedersen (Sanarfinermut Avatangiisinullu Ingerlatsivimmi stabchefti), Ulrich Gaffuri (Sanarfinermut Avatangiisinullu Ingerlatsivimmi immikkoortumi aqutsisoq), Marie Heimer (Nunaqarfinnut ataqatigiissaarisooq), Daniel F Jakobsen (ataatsimiititap ataqatigiissaarisooq) og Ane-Julia Dalager (oqalutsi).

Inoqarfinnut Avatangiisinullu Ataatsimiititap angalanerminnit paasisatik ataatsimiititami suleriaqqinnerminni atussavaat.

## Ingerlatsivimmit aningaasatigut sulisoqarnikkullu naliliinerit

2024-mi ataatsimiititap angalanissaannut katillugit 950.000 koruunit immikkoortinneqarnikuupput.

## Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

## Inatsisitigut tunngavissaq allakkallu tunngaviusumik uppernarsaatillit

- Ataatsimiititap angalasarnerisa aaqqissugaanerit, Kommunalbestyrelsip aalajangiinera 12. marsi 2024

## Ilanngussat

1. Angalaneq pillugu nalunaarusiaq

## **Punkt 4: Qeqertarsuatsiaani B-1116-imik tuniniaaneq**

### **Beslutning**

Inassuteqaat akuersissutigineqarpoq.

## Qeqertarsuatsiaani B-1116-imik tuniniaaneq

Aalajangiiffigisassaq

SagsID.: EMN-2024-03249

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Inoqarfinnut Avatangiisinullu Ataatsimiititamut inassuteqaatigineqarpoq:

1. Illu B-1116 Qeqertarsuatsiaaniittoq neqerooruteqarnissamut piffissamik killilerlugu tamanut neqerooruteqartitsinikkut tuniniarneqarnissaa akuersissutigineqassasoq, kingornalu qaffasinnerpaamik neqerooruteqartumut tunineqarnissaa naatsorsutigineqassalluni
2. Illumik pisinissamut neqeroorutigineqartup akuersissutigineqarnissaanut itigartitsissutigineqarnissaannulluunniit pisortaqatigiit piginnaatinnegassasut
3. suliaq Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Nukissiorfiit Qeqertarsuatsiaani batteriit inissiiffissaliornissartik kissaatiginikuuat. Tassunga atatillugu Nukissiorfiit Kommuneqarfik Sermersooq qinnuigaat illu B-1116 siunertamut tassunga atugassatut pisiarinarlugu.

Illu B-1116 Ingerlatsinermut immikkoortortami sulisunut unnuisarfittut atugassatut sananeqarnikuuvoq. Tamatuma kingornatigut illu kommunimi aqqusinilerisut atugarivaat, tassani uffarnissamut sullisinillu errorsinissamut periarfissaqarlutik. Kisianni illup qaqutigunnaq atorneqartarnera pissutigalugu, Sanarfinermut Avatangiisinullu Ingerlatsiviup nalilerpaa illu B-1116 tamanut neqerooruteqartitsinikkut tuniniarneqarnissaa akornutissartaqassanngitsaq.

### Ingerlatsivimmit aningaasatigut sulisoqarnikkullu naliliinerit

B-1116-imut innaallagissamut, imermut kiassarnermullu ingerlatsinermut ukiumut aningaasartuutit ukiuni kingullerni pingasuni ima agguataagaapput:

	2021	2022	2023	Agguaqatigiissitsineq
Innaallagiasaq, imeq, kiassarneq	18.069,19 kr.	9.642,15 kr.	9.941,36 kr.	12.550,90 kr.
Aserfallatsaaliuineq	28.825,00 kr.	73.465,00 kr.	0,00 kr.	34.096,67 kr.
Tamakkerlugit	46.894,19 kr.	83.107,15 kr.	9.941,36 kr.	46.647,57 kr.

Illumik tunisinikkut innaallagissamut, imermut kiassarnermullu aningaasartuutinunnaq ukiumut 46.600,00 koruunit sipaarutaasassasut naatsorsuutaavoq.

### Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Piginnaatitaaffinnik agguataarnermut pilersaarut

### Ilanngussat

Soqanngilaq.

## **Punkt 5: Aningaasaqarnermut Inuussutissarsiornermullu Ataatsimiititap aamma Inoqarfinnut Avatangiisinullu Ataatsimiititap angalanerannut nalunaarusiaq**

### **Beslutning**

Inassuteqaat akuersissutigineqarpoq.

### **Bilag**

Angalaneq pillugu nalunaarusiaq

# Aningaasaqarnermut Inuussutissarsiornermullu Ataatsimiititap aamma Inoqarfinnut Avatangiisinullu Ataatsimiititap angalanerannut nalunaarusiaq

Ittoqqortoormiit, 2024

Aalajangiiffigisassaq

SagsID: EMN-2024-00966

Suliffeqarfiup iluani Kiffartuussivik – kommunaldirektøri Ole Jakobsen / OJAK

## Inassuteqaat

Suliffeqarfiup iluani Kiffartuussivimmit Inoqarfinnut Avatangiisinullu Ataatsimiititamut inassuteqaatigineqarpoq:

1. angalanermit nalunaarusiaq akuersissutigineqassasoq
2. suliaq Kommunalbestyrelsimut ilisimatitsissutitut ingerlateqqinneqassasoq

## Suliassamik saqqummiussineq

Aningaasaqarnermut Inuussutissarsiornermullu Ataatsimiititaq aamma Inoqarfinnut Avatangiisinullu Ataatsimiititaq ulluni 26. maaji - 1. juuni 2024 Ittoqqortoormiini ataatsimut ataatsimiititatur angalapput. Pisortaaqatigiit aamma angalaqataapput.

Ataatsimiititatur angalaneranni siunertaavoq qulakkiissallugu, ataatsimiititatur aamma pisortatur suliassaqarfimminnik aamma illoqarfimmi suliffeqarfiit, allaffeqarfiit inuussutissarsiornerlu pillugit sukumiisumik ataatsimoortumillu paasisaqarnissaat.

Aningaasaqarnermut Inuussutissarsiornermullu Ataatsimiititamit angalaqataapput Avaaraq Olsen (siulittaasoq), Juaaka Lyberth (ilaasortaq), Uju Petersen (ilaasortaq), aamma Peter Davidsen (ilaasortaq)

Inoqarfinnut Avatangiisinullu Ataatsimiititamit peqataapput Juaaka Lyberth (siulittaasoq) ataatsimiititani illugiinni ilaasortaasoq, aamma Lone Rosengreen Pedersen (ilaasortaq).

Allaffeqarfimmit peqataasut allat Ole Jakobsen (kommunaldirektøri), Marie Fleischer (vicekommunaldirektøri), Lone Nukaaraq Møller, Meeqqanut Atuarfeqarnermullu Ingerlatsivimmi pisortasoq, Ejner Grønvold, Suliffeqarnermut Isumaginninnermullu Ingerlatsivimmi pisortaq, Frederik Lundblad, Meeqqanut Ilaqutariinnullu Ingerlatsivimmi pisortaq, Lars Borris Pedersen, Sanarfinermit Avatangiisinullu Ingerlatsivimmi Stabschefi, Anna Rún Ólafsdóttir, Pisortaaqatigiit allatseqarfianni immikkoortortami aqutsisoq aamma Dora Heilmann, oqalutsi.

Aningaasaqarnermut Inuussutissarsiornermullu Ataatsimiititatur aamma Inoqarfinnut Avatangiisinullu Ataatsimiititatur angalanerminni ilikkakkatik aamma paasisatik ataatsimiititami suleriaqqinnerminni atussavaat.

## Ingerlatsivimmit aningaasatigut sulisoqarnikkullu naliliinerit

2024-mi ataatsimiititatur angalanissaannut katillugit 950.000 koruunit immikkoortinneqarnikuupput.

## Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Ataatsimiititat angalasarnerisa aaqqissugaanerat, Kommunalbestyrelsip aalajangiinera 12. marsi 2024

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 24.09.24:*

Inassuteqaat akuersissutigineqarpoq.

### **Ilangussat**

1. Angalaneq pillugu nalunaarussiaq

## **Punkt 6: Lukket**

**Punkt .: Tamalaat**



## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.26

